



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 34. Principum atque illustrium obitus.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

Anno 1661. sed etiam narrationem ori- Sæc. XVIII.
 ginis rituum, & errorum Christiano- A. C. 1738.
 rum S. Joannis unacum confutatione
 triginta quatuor errorum præfatæ Na-
 tionis Anno 1652. in eadem Romana
 typographia edendam curavit: Novis-
 sime vero P. Clemens a Jesu, Peanius,
 patria Alexandrinus Carmelita Discal-
 ceatus & Missionarius Zelosissimus ex
 Malabaria Anno 1771. Romam venit,
 ac in eadem typographia percelebre
 suum Malabaricum seu Samscrudoni-
 cum Alphabetum excudi fecit, mor-
 tuus Verapoli in Malabaria Anno 1783.
 Taceo Jacobi Wermers Carmelitæ Le-
 xicon Æthiopicum, Gazophilacium lin-
 guæ Perfarum a P. Angelo a S. Joseph
 Carmelita excalceato editum, Matthæi
 Caramanii Jadransis Archiepiscopi Al-
 phabetum Illyricum, necnon Clemen-
 tis Gallani, Alexandri de Rhodes va-
 riorum idiomatum peregrinorum libros
 typis atque expensis præfatæ S. Con-
 gregationis pro utilitate Missionum
 excusos.

§. XXXIV.

Principum atque Illustrium obitus.

Hoc item anno non pauci ex Princi-
 pibus atque Ecclesiæ Præsulibus
 mortis victima cecidere: Hos inter pri-
 mus occurrit Franciscus Boucaud Sor-

Q 2

bonæ

Sæc. XVIII. bonæ Doctor, Abbas S. Amandi de
A. C. 1738. Cely Aletensis Episcopus, qui quindecim
 annis suæ Ecclesiæ cum laude præfuit, & Mense Januario ab ea ad æternitatem evocatus est: Hunc paulo post pari fato sequebatur Joannes Maria Henriau Bolognensis Episcopus æcerimus Constitutionis *Unigenitus* Vindex Eodem Mense decessit L'Estaingius Salernitanus Episcopus necnon Sebastianus Venier Vicentinus Præsul. Die vero decimum præfati Mensis vitæ suæ postremum habuit Boccarius Pontificius Romanæ Urbis Pro-Regens Boviani Episcopus: sequenti autem Mense obiit Capuæ Princeps della Rocca Archi-Episcopus Salernitanus, cui successit Roscius Tarentensis Præsul Mensis Martii die decima quarta. In Hispaniis mortuus est die decima septima Februarii anno ætatis quinquagesimo sexto Thomas Ratto de Ottonelli Cordubensis Episcopus, qui olim Romanæ Rotæ Auditor, postea ante Cardinalem Aquavivam Hispanus apud Aulam Pontificiam Legatus Regi suo præclara præstitit obsequia, uti sæpius meminimus: Eodem Mense vitæ finem fecit Joannes du Douffet Bellicensis Episcopus, qui Constitutionem *Unigenitus* acerrime propugnabat.

Porro

Porro Mense Aprili vitæ suæ finem Sæc. XVIII.
 fecit anno ætatis suæ septuagesimo pri- A. C. 1738.
 mo Carolus Joachimus Colbert de Croyf-
 sii Montpessulanus Episcopus, qui fer-
 rea sua contumacia, qua Papæ deci-
 sionibus resistere, in consuetudinem
 traxit, ingens Ecclesiæ Gallicanæ dam-
 num intulit, sibi iteratam Papæ Regis-
 que indignationem accersivit, suo gregi
 seductionis exemplum & probrosam no-
 minis sui memoriam reliquit. Cetera
 Præsul erat morum integritate, tem-
 perantia, & omnigena eruditione Sta-
 tuti suo congrua insignis. Caverat te-
 stamento, ut omnis ferme ejus sub-
 stantia in pauperes distribueretur, lo-
 cupletissima vero ipsius Bibliotheca ejus
 Fratri Marchioni de Torcy traderetur.
 Die etiam decima Octobris Ulyssipone
 obiit Cajetanus Cavalierus Nuntius
 Apostolicus, quem ob meritorum præ-
 stantiam non modo Rex, sed ipsemet
 Pontifex ad Purpuram destinaverat.
 Præterea hujus anni die duodecima
 Novembris Varsoviæ ex magno mundi
 teatro, in quo variæ fortunæ Actor
 erat, ad tumbam delatus est Theodo-
 rus ex illustrissima juxta ac locuple-
 tissima Potokorum familia in Lithua-
 nia natus: Hic juvenis adhuc ab Au-
 gusto II. Polonorum Rege in Culmen-
 sem Episcopum nominatus, eidem Regi

Sæc. XVIII.
A. C. 1738.

contra Stanislai factionem constantissime adhæsit, quapropter a Rege & Republica maximi habitus, pluribusque honorum dignitatumque titulis auctus primo Warmiæ Episcopus ac deinceps mortuo Stanislao Szembecko Gnesnensis Archiepiscopus & totius Regni Primas nominatus est. Verum hæc ipsa suprema Regni dignitas (solito terrenæ felicitatis vitio) non nisi molestiarum spinas & tribulos Potockio progerminavit; seditiosæ quippe Theodosiensium Calvinistarum petulantia contra Catholicos, tumultuaria Mauritii Saxonis in Curlandiæ Ducem electionis controversiæ de Jure Patronatus a Pontifice prætenso, pluraque alia gravissima negotia hunc Præsulem in maximas contentiones, fastidia ac incredibiles angustias conjecerunt: Denique ad cumulum malorum accessit obitus Augusti II. Regis, novumque eligendi necessitas; tum enim privato ejus affectu in Gallos expugnatus sibi Cæsaris Russorum, Polonorum Præsulum Procerumque odium, & Regno extremam calamitatem accersivit, prout fufius jam supra relatam fuit: Unde prævalentibus, qui exauctorato Stanislao Augustum in Regem elegerant, Primas Dantiscum profugere coactus, & a Russis in captivitatem abstractus, ac

Tho-

Thorunii arctius in arce integro fer- Sæc. XV. Illa
 me anno inter maximas ærumnas & A. C. 1738.
 acutissimos calculi dolores detinebatur,
 donec tandem deprecante ipso Augusto
 III. quem Regem agnoscere prius per-
 tinacius renuebat, libertatem obtineret:
 qua demum potitus præclara prorsus
 fidelitatis, patriique amoris specimina
 Regi & Reipublicæ dedit, allatisque
 rationibus suam agendi rationem apud
 summum Pontificem vindicavit: Tan-
 dem vero senio, laboribus atque ærum-
 nis confectus anno ætatis suæ septua-
 gesimo quinto, Primatialis dignitatis
 decimo sexto ad æternam quietem
 translatus est. Successorem habuit
 Joannem Lipskyum Cardinalem, cui
 hoc anno die quinta Octobris Biretum,
 quod Roma Mancifortius Canonicus
 attulerat, ipsemet Poloniæ Rex Var-
 soviæ in Ecclesia S. Joannis consueto
 ritu imposuit. Potockii obitum præve-
 nerat Stanislaus Josephus Holius ma-
 gni nominis Episcopus primo Camena-
 ciensis, postea Posnaniensis Episcopus,
 qui pariter Varsoviæ die decima tertia
 Octobris annos natus sexaginta quin-
 que decessit, & hoc anno Diæcesanam
 Synodum habuit, ejusque acta publici
 juris fecit, sub hoc titulo: *Synodus
 Diæcesana Posnaniensis Anno Domini
 MDCCXXXVIII. diebus septima, octava*

Sæc. XVIII. & nona Mensis Julii in Ecclesia Cathedrali
A. C. 1738. Posnaniensi habita, publice edita Varsovia

1738. &c. Postea Zelosissimo huius
Præsuli die decima quinta ejus-
dem Mensis Theodorus Czartoriskys
Plocensis Præpositus successerat.

Mensis autem Novembris die vige-
sima octava Joannes Baptista Gamba-
ruccius Amasanus Archiepiscopus, pri-
mus Rituum Magister Pontificius, &
Canonicus ad S. Mariam Majorem, dum
vestes suas induit, repentina morte
obrutus vitam exiit. Die autem vi-
gesima prima Octobris Joannes Fride-
ricus de la Tour D'Auvergne, Sor-
bonæ Doctor & Canonicus Parisiensis
anno ætatis sexagesimo octavo naturæ
debitum solvit non sine maximo pro-
borum & præcipue pauperum luctu,
in quos annue ex quinquaginta quin-
que librarum millibus id omne, quod
propriæ sustentationi supererat, libe-
raliter erogabat. Obiit denique Mense
Septembri Moszinskyus Livoniæ Epi-
scopus, ac demum die vigesima De-
cembris mortuus est Carolus Franciscus
le Fevre Sueffionensis Episcopus. Pa-
riter die nona Februarii Beatrix Hie-
ronyma de Lislebonne, Lotharingicæ
Domus Princeps & Romerici - Montis
Abbatissa annos septuaginta sex nata
vivi valedixit, quam ad eandem æter-
nita-

nitatis viam Mense Majo sequebatur Sæc. XVIII.
 Elisabetha Eleonora de la Tour D'Au- A. C. 1738.
 vergne, Comitis Bouillonii Filia, &
 hujus nominis Cardinalis Soror, quæ
 Anno 1691. Parisiis in Monasterio de
 Bella Chasse sese Deo devovit, ac de-
 mum in Torigeyensem Abbatissam e-
 lecta fuerat.

Attamen non modo in Ecclesiasticos
 Principes implacabilis Libitina desævit,
 sed & in Laicos & quidem Martios He-
 roes, quos, cum eis ferrum in castris
 pepercisset, in lecto mors prostravit, &
 quidem Mense Januario hos inter pri-
 mus erat Guido Augustus de la Porte-
 Mazarini, Mazarini Dux & Par Fran-
 ciæ, qui nonnisi triginta septem annos
 natus, die trigesima Januarii mortuus
 in lecto repertus est. II. Maria Anna
 Niverniensis Ducissa anno ætatis quin-
 quagesimo secundo. III. Antonius
 Carolus Comes de Oettingen Waller-
 stein militari scientia clarus die vigesi-
 ma ejusdem Mensis annos natus quin-
 quaginta novem Viennæ ex apoplexia
 obiit. Diem quoque vigesimam Martii
 exitialem habuit Ludovicus Doxat de
 Moraz religione Calvinianus, triginta
 octo annis Architectus militaris, qui
 postquam Nissam propugnaculis oppido
 validis muniebat, ejusdem Urbis Præ-
 fectus nominabatur, quoniam vero
 Q 5 idem

Sæc. XVIII. idem hoc propugnaculum ad primum
 A. C. 1738. Turcici exercitus conspectum, nequie
 dem exploso vel unico tormento die
 decima sexta Octobris anni prioris
 Christiani nominis hostibus configna-
 vit, habito belli Senatu Belgradi manu
 carnificis cecidit.

Luxerat quoque hoc anno Bavaria
 obitum nimis præmaturum Maximilian
 Josephi, qui Ferdinandi Bavaricæ Ducis
 Filius natu maximus, optimæ spei
 Princeps nondum expleto ætatis anno
 decimo octavo ex variolis die vigesima
 octava Aprilis Monachii vivere desit.
 Adhuc dum Aula Bavarica ob tam
 præclari Principis mortem nimis acer-
 bam lacrimis prope & gemitibus con-
 tabescebat, cum omnium Bavarorum
 animi novo luctu occuparentur propter
 obitum Ferdinandi Bavaricæ Ducis, qui
 defuncti nuper Maximiliani Josephi Pa-
 rens, & Caroli VII. Electoris Frater
 nondum expleto quadragesimo ætatis
 anno die nona Decembris ex catharo
 suffocativo Monachii extinctus est. Prin-
 ceps erat animi fortitudine, morum
 comitate, prudentia & generositate ne-
 mini secundus: Vix decimum quintum
 ætatis annum expleverat, cum jamjam
 honorariam militiam professus, bellicæ
 expeditioni contra Turcas interesset,
 atque in Belgradi obsidione tam lucu-
 lenta

lenta leoninæ virtutis specimina ederet, ut sollicitante ipso Archistratego Principe Eugenio supremus Vigiliarum Præfectus a Cæsare nominaretur. Expetebatur etiam a Polonis Proceribus in Regem, maluit tamen sua deferre obsequia Carolo VI. Imperatori, sub cuius signis etiam ad Rhenum decertabat, dictus supremi Copiarum Præfecti Legatus. Pari etiam fortitudinis laude sub Seckendorffio Belliduce Anno 1736. ad Moselam cum sua Equitum legione hostes prostraverat, demum supremus Cæsarei exercitus Imperator renuntiat, pro avita sua pietate Lauretanam B. Virginem salutabat, ac inde Monachium reversus obiit. Præterea Mensis Maij duodecima die anno vitæ suæ quinquagesimo nono e vivis excessit Carolus Guilielmus Bado-Durlacensis Dux, Cæsareus Bellidux militari fortitudine, ac experientia inclytus: Quarta post die Ludovica Christina vidua Saxo-Weiffenfelsensis Ducissa anno ætatis sexagesimo tertio, & sexta Maij die octoginta duos annos natus, ultimus familiæ suæ mortuus est Gasto Joannes Baptista Dux de Roquelaure, Franciæ Marecallus. Præterea die prima Junii Jacobus Franciscus Filz-James Dux de Bervick nondum evoluto quadragésimo tertio vitæ suæ anno, & die & sexta

Sæc. XVIII.
A. C. 1738.

Sæc. XVIII
A.C. 1738.

sexta ejusdem Mensis Sophia! Vidua Ducissa Württembergico - Oelsensis ex apoplexia anno ætatis septuagesimo sexto, & sequenti die annos natus quinquaginta novem Marchio de Vilhena Escalonæ Dux; die autem vigesima septima Julii Henricus Saxo - Merseburgensis Dux postulatus ejusdem Ecclesiæ Administrator anno ætatis septuagesimo septimo, necnon die vigesima quinta Augusti ejusdem Conjux septuagenaria Elisabetha Saxo - Merseburgensis Ducissa, ac die decima quinta ejusdem Mensis Ludovicus Britannicus de Chabot Rohanii Dux & Leonii Princeps, sexagenario minor, pluresque alii Principes hoc anno mortalitatem exuere.

Pariter Mense Octobri vitam cum morte commutarunt, I. Carolina Amalia Nassovio-Usingana Princeps II. Joannes Adolphus hæreditarius Princeps Weisensfeldensis III. Mense Novembri Waltherus Antonius Dietrichsteinus Princeps. IV. Ludovicus Otto Princeps Salmensis V. Hannibal Alphonsus Princeps de Portia. VI. Denique Abdulla Bassa supremus Vezirius, qui ob vecordem Oczakoviensis Urbis expugnationem Thessalonicæ Mense Januario strangulatus periit.

§. XXXV.